

ILLVSTRISSIMO
ARCHIEPISCOPO VALENTINO

D. DON FR. ISIDORO ALIAGA, EX
PROVINCIA ARAGONIÆ ORDINIS
PRÆDicatorVM ASSVMPTO.

*Fr. IOANNES BIESCAS, eiusdem Ordinis, ac Prouinciæ, post
manuum oscula Sanctarum.*



PRIMOS fructus Theologos senectutis meæ, quos
in maiorem lucem produco, post quadraginta annos
lecturæ publicæ in hac Sertoriana Oscensium Acade-
mia (Illustrime Archiepiscopo) ad pedes tuos sanctos
repono, manibus tuis sacratis, & sacrantibus offero,
celsitudini tuæ dico: tanquam spendori Aragoniæ, vt
spendeant: tanquam decori Ordinis Prædicatorum,
vt niteant: tanquam Magno Theologiæ S. Thomæ
professori, vt subsistant: tanquam Generoso Protecto-
ri omnium ad vmbra tuam confugientium, vt protegantur ab iniurijs tempo-
rum, vt non marcescant, vt semper viuant, & iugiter conseruentur amabiles, & iu-
cundi. Te enim (Amplissime Præsul) posuit diuina prouidentia in Ecclesia sancta,
tanquam arborem illam Daniel. 4. magnam, fortem, visibilem à terminis mun-
di, profundis radicibus hærendem terræ, altissimis ramis contingentem coelum,
folijs pulcherrimam, vberimam fructibus, in cuius ramis cõuersabantur volucres
coeli, sub cuius vmbra morabantur bestiæ, & animalia, & omnibus erat in alimen-
tum. Quæ enim sunt radices tuæ? nisi genus antiquum, honestum, purum, nunc ve-
rò Illustrissimum tua Illustrissima persona, & Illustrissima persona, sanctæ memo-
riæ, Fratris tui, Domini Fr. Ludouici Aliaga, Regis Confessarij, & Inquisitoris
Generalis Hispaniæ, etiam assumpti ex Prouincia Aragoniæ Ordinis Prædicato-
rum, fidelissimi Regibus, vtilissimi Regnis, & de Ecclesia Catholica optimè meri-
ti. Venio ad ramos tuos altissimos. Qui sunt isti, nisi dignitates tuæ? Magister in
Theologia, Prouincialis Aragoniæ, etiam absens electus, Episcopus primùm Al-
barracinensis, mox Dertusensis, tandem Archiepiscopus Valentinus. Folia tua pul-
cherrima, virtutes sunt tuæ, & humanæ, & diuinæ, quibus Deus voluit docorare
personam tuam, vt speciosus appareas in conspectu tuo, & Ecclesiæ suæ. Fructus
vberissimi sunt opera fidei, spei, charitatis, Religionis, pietatis, misericordiæ, & simi-
lia, quibus mereris in coelo magnum gloriæ pondus. Volucres coeli in ramis tuis
conuersantes, Clerici sunt, ac Religiosi plurimi, qui favore tuo diuinis vacant lau-
dibus,